

佛說自愛經

東晉西域沙門竺曇無蘭譯

聞如是一時佛在舍衛國祇樹給孤獨園時國王詣佛所遙見精舍下車却蓋解劔脫履拱手直進五體投地稽首足下却長跪曰願以來日於四街道請佛及衆僧施設微食普令愚民知佛至尊觀其儀式傳世爲則願使衆生遠鬼妖蠱悉奉五戒以銷國患世尊曰善哉善哉夫爲國王宜有明導率民以道請求來福吾昔爲王亦奉請佛沙門梵志常行四等六度勤以致佛巍巍無上王曰至真誠如佛教夫不種栽無緣獲其果吾受佛恩生世爲人去女即男六情完具景福之會值佛處世盛明法化在於吾國積善難量乞退嚴辦世尊曰善哉善哉王即還宮平治大道高

下齊平廣設帳幔豎諸幢幡自彼四衢至精舍門夾道欄楯羅燈如星步有香爐天樂衆妓歌佛至尊之靈咨嗟沙門清貞之德散華雜寶紛紛如雨香湯灑地却敷統縵王親通夜手自爲饌身往奉迎稽首于地長跪曰願世尊垂大慈現影則濟衆生佛起著法服與諸沙門俱之四衢王及群臣翼從左右佛至就坐夫人太子皆稽首于地攘衣跣躡行澡水已手自斟酌佛飯畢稽首曰今設微食願天人鬼龍蜎蜚蚊行蠕動之類令世世逢佛逢法逢沙門衆去諸穢邪懷佛正真佛言善哉王爲民父母潤之以慈導以大明所願必得王曰普地之民當別之際咸曰自愛自愛之議其有要乎世尊歎曰善哉問也夫人處世心懷毒念口施毒言身行毒業斯三事出

乎心身口唱成其惡已加衆生衆生被毒即結怨恨誓心欲報或現世獲願或身終後覓靈昇天即下報之人中畜生鬼神太山更相剋賊皆由宿命非空生也身三口四意三無惡愚者恣之不孝其親敬奉鬼妖姪亂酒悖就下賤之濁以致危身滅族之禍死入太山湯火之酷長不獲人身去佛遠政不樂沙門之清戒常與愚會斯謂樂危亡之禍不自愛者也王曰善哉善哉惟佛教誡願聞自愛其則云何佛言自愛之法先三自歸以法養親慈愛人物悲愍愚惑見政喜進平等普護安濟衆生斯施四恩布施窮乏衆生無怨諸天祐育衆橫不加牢獄利劍諸毒銷歇親安族興生無災患死得上天常與明會斯謂自愛者也王曰善哉惟佛教誡誡高行賢者清貞

守真穢利邪樂不以染心口四不言三凶遠身危命全行諸佛所珍親安族興終得上天常得福會斯謂自愛者也王曰善哉惟佛教眞衆恚橫加忍默不說慈惻愍彼終始濟之精進不怠紹心三尊外靜內寂植念道根深觀聖趣明化眞言孝親濟已導衆使然常與福會謂自愛者也王曰善哉惟佛教眞觀者無數時有兩商人一人念曰佛身大六華色紫金頂有肉髻項有白光巍巍難言佛如帝王沙門猶忠臣佛陳明法沙門誦宣斯王明矣知佛可尊佛知其念熟視之其人心喜喜如獲寶其一人念曰斯王愚惑爾爲國王將復何求佛者若牛弟子猶車彼牛牽車東西南北佛亦猶然子有何道屈意奉之乎佛知其有惡念必獲其殃愴然愍之其人心懼若

有所遭二人俱去三十里亭宿酤酒飲之共平屬事訟之紛紜其善念者四王遣善神護焉毒念謗佛者太山鬼令酒入腹猶火燒身出亭路卧即宛轉落車轍中晨有商人車五百乘轢殺之焉伴求而見其然曰吾衰矣還國見疑取物去爲不義遂輕身委財而逝展轉遠邁去舍衛數萬里有一國國王崩無太子識書云中土有微人當王斯土群僚議曰國之無君猶體之無首難以久立也故王有馬常爲王禮若有任王者馬必屈膝命曰大善即具嚴駕以王印綬著車上人馬填路觀者莫不麾涕商人亦出觀國太史曰彼有黃雲之蓋斯者氣也神馬直進屈膝舐商人足群臣欣豫香湯澡浴拜爲國王僉然稱臣王曰余本商人無德於民不任天位也群僚曰

天授有德神馬屈膝於是遂處王宮聽省國政深惟曰余無微善何緣獲此必是佛恩使乏然也晨在御座歎佛無上之聖率諸群僚向佛稽首曰賤人蒙世尊潤獲爲人王斯土傳世不知有佛流俗之書亦無記焉願以大當六明開斯國人之瞽盲明日願與應真衆聖垂二十五意顧斯一時三月佛告阿難勅諸比丘明日彼王請皆當徐徐變化現神尊德令其國民咸共覩焉諸天聞佛至彼敎化相率導從作樂歌德寶帳幢旛華下紛紛光色耀人佛及應真皆坐正殿王案舍衛國王供養明法手自斟酌畢以小几於佛前坐佛廣說法王曰吾本微人素無快德何緣獲斯佛告王昔彼王飯佛王心念言佛如國王沙門猶臣下王種斯我今自獲其果彼一人云佛若牛弟子

如車彼自種車轆之栽今在太山為火車所
轆自獲其果也非王勇健所能致矣為善福
隨履惡禍追響之應聲善惡如音非天龍鬼
神所為非先靈所為造之者心成身口矣佛
說偈言

心為法本 心尊心使 中心念惡 即言即行
罪苦自追 車轆乎轍 心為法本 心尊心使
中心念善 即言即行 福樂自追 如影隨形
世尊又告王曰眾惡之罪最重有五不孝不
忠殺親殺君家滅國亂重罪一也羅漢之行
得空不願無相之定與佛齊意拯濟眾生而
愚向之重罪二也佛者眾罪已畢景福會成
相好十力法導眾生慈悲喜護心過慈母而
愚惡謗重罪三也清潔沙門志清行高懷抱
經法助佛化愚諸佛相紹繼眾生得度皆由

眾僧佞諂交構以致不調僧不調正法毀民
狂走正法毀民狂走者三道興惱比丘僧重
罪四也佛之尊廟寶物水土眾生赤心以貢
三尊愚人或毀盜之重罪五者也犯斯五者
其罪最重謂自殺身自滅族自投太山火矣
五罪之重重於須彌慎無犯焉佛說經竟王
及群臣皆得須陀洹受五戒為清信士國民
有作沙門者守戒為清信士者遂以五戒十
善為國政諸天祐護國遂興矣諸天龍神王
臣黎民無不歡喜

佛說自愛經

音釋

勢胡刀切 憺徒覽切 怖徒懼切 慄徒歷切 洩徒洩切
也凶許容切 也與凶同 也申博孤切 也時孤切 也誼與魚記切 也同切 也慄切 也慄切
也瘡瘡初良切 也延知切 也怔忡切 也怔忡切 也怔忡切 也怔忡切 也怔忡切 也怔忡切 也怔忡切

慢莫半切 幕也 統統於阮切 綖綖坐切 夷夷然 褐胡葛切
毛布妖蠱妖於喬切 尊也 跣徒息淺切
衣也 轆望轆郎擊切 倂倂倂乃定切 諂諂諂乃定切 構履地切
也 轆望轆郎擊切 倂倂倂乃定切 諂諂諂乃定切 構履地切
發切 轆望轆郎擊切 倂倂倂乃定切 諂諂諂乃定切 構履地切
居候切 轆望轆郎擊切 倂倂倂乃定切 諂諂諂乃定切 構履地切
亂也 轆望轆郎擊切 倂倂倂乃定切 諂諂諂乃定切 構履地切